



TOSHKENT DAVLAT YURIDIK UNIVERSITETI REKTORINING B U Y R U G ' I

20.03.2025

234-tm-son

Talabalarga hayfsan intizomiy jazo chorasi qo'llash to'g'risida

Bugungi kunda universitetda yuqori malakali, zamonaviy yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Jumladan, 2025-yil fevral oyida universitetning Ommaviy huquq fakulteti tomonidan fakultet talabalari o'rtasida universitet Odob-axloq kodeksi normalari va Ichki tartib qoidalariga amal qilish holati o'rganilganda Yurisprudensiya yo'nalishi 1-kurs talabasi Tog'aybekov Daurbek Azizbekovich 28-fevral kuni universitet hududida tamaki mahsuloti chekkanlik holati aniqlandi.

Talaba D.Tog'aybekovdan ushbu holat bo'yicha tushuntirish xati olinganida, haqiqatdan ham universitet hududida tamaki mahsuloti chekkanligini tasdiqlab, qayta takrorlamasligini bayon etgan. Vaholanki, talabaga muqaddam universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish berilgan hamda o'rnatilgan tartib-qoidalarga takroran amal qilmasa tegishli tartibda "hayfsan" intizomiy jazo chorasi qo'llanilishi mumkinligi to'g'risida ma'lum qilingan.

Talaba D.Tog'aybekov mazkur harakatlari bilan TDYU Odob-axloq kodeksi 17-moddasi to'qqizinchi xatboshisi talablarini buzgan.

Shuningdek, Davlat va jamiyat boshqaruvi yo'nalishi 1-kurs talabasi Egamberdiyev Kamronbek Sherzod o'g'li 2025-yil 19-fevral kuni, Yurisprudensiya yo'nalishi 1-kurs talabalari Akbaraliyeva Diyora Ravshanovna 2025-yil 24-fevral kuni, Nurjanov Shuxrat Daniyar o'g'li 2025-yil 14-mart kunlari Universitetda kiyinish va tashqi ko'rinishga oid qoidalarga rioya qilmasdan dars mashg'ulotlariga kelganliklari aniqlandi.

Talabalar K.Egamberdiyev, D.Akbaraliyeva va Sh.Nurjanovlar tomonidan ushbu holat bo'yicha tushuntirish xati olinganida, ular mazkur holatni tasdiqlab, ushbu holat avval ham bir necha bor takrorlanganini hamda qayta takrorlamasligini bayon etishgan. Vaholanki, talabalarga muqaddam universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish

berilgan hamda o'rnatilgan tartib-qoidalarga takroran amal qilmasa tegishli tartibda "hayfsan" intizomiy jazo chorasi qo'llanilishi mumkinligi to'g'risida ma'lum qilingan.

Talabalar K.Egamberdiyev, D.Akbaraliyeva va Sh.Nurjanovlar mazkur harakatlari bilan TDYU Odob-axloq kodeksi 12-moddasi uchinchi va to'rtinchi xatboshisi talablarini buzgan.

Yuqoridagilarni inobatga olib, Toshkent davlat yuridik universiteti Odob-axloq kodeksi 17-moddasi to'qqizinchi xatboshisi, 12-moddasi uchinchi va to'rtinchi xatboshisi, Ichki tartib qoidalarining 83-bandi hamda Ommaviy huquq fakulteti dekani Sh.Saydullayevning bildirgisiga asosan

BUYURAMAN:

1. Universitet Ommaviy huquq fakulteti talabalari Tog'aybekov Daurbek Azizbekovich, Egamberdiyev Kamronbek Sherzod o'g'li, Nurjanov Shuxrat Daniyar o'g'li va Akbaraliyeva Diyora Ravshanovnalarga hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):

mazkur buyruq bilan qo'llanilgan intizomiy jazo chorasini fakultet talabalari o'rtasida shu kabi holatlar takroran yuzaga kelmasligi, ularda dars mashg'ulotlari hamda professor-o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralarini ko'rsin;

ushbu holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

Kelishildi:

Yoshlar masalalari va ma'naviy-
ma'rifiy ishlar bo'yicha birinchi
prorektor

yuriskonsult

SH.SAYDULLAYEV



A.XASHIMHONOV



N.TEMIROV

